



Concello de Coristanco

Avda. Finisterre, 112 - SAN ROQUE – TRABA  
15147 - CORISTANCO - A Coruña  
Tlf. 981 73 30 01 - Fax: 981 73 33 97 - correo@coristanco.gal  
www.coristanco.gal  
R. E. L. nº 01150294

## ACTA DA SESIÓN EXTRAORDINARIA-MOCIÓN DE CENSURA CELEBRADA POLO PLENO DESTE CONCELLO O DÍA VINTE E CINCO DE AGOSTO DE 2017

NÚM. 10/2017

<p><b><u>SRES/RAS ASISTENTES</u></b></p> <p><b><u>PRESIDENTE</u></b> D. Amancio Lavandeira Suárez</p> <p><b><u>CONCELLEIROS</u></b> Dª Laura Mariño Taibo D. Abrahán Gerpe Muñiz Dª Laura Tasende Cancela D. Manuel Andrés Díaz Abeledo Dª Mª Dolores Taibo Lavandeira D. Antonio Pensado Plágaro D. Juan García Velo Dª María Ángeles Gema Eiroa Villar Dª Clarisa Couto Castro D. Luis Souto Gómez D. Emilio Fondo Novo</p> <p><b><u>NON ASISTE</u></b> Da. Verónica Facial Rodríguez (con excusa)</p> <p><b><u>SECRETARIA</u></b> Dª. Mª del Carmen Seoane Bouzas</p>	<p>No salón de Plenos da Casa Consistorial de Coristanco, sendo as 12:00 horas do día vinte e cinco de agosto de 2017, baixo a presidencia do Sr. Alcalde, D. Amancio Lavandeira Suárez , e asistido pola secretaria da Corporación, Dª Mª Carmen Seoane Bouzas, que da feito acto, reúnense os Srs. Concelleiros relacionados, membros todos do Pleno, co obxecto de realizar nunha primeira convocatoria a sesión extraordinaria para tratar a moción de censura prevista para o día de hoxe, e de acuerdo co seguinte orde do día.</p>
--	---

### 1.- MOCIÓN DE CENSURA.

No expediente de “moción de censura” figura:

- Escrito de moción de censura de 10.08.2017 (NRE 3541), asinado polos Concelleiros do PP e do PSOE.
- Dilixencia de secretaría, acreditativa de que o 10.08.2017 esixidos no art. 197 da Lei Orgánica 5/1985, do 19 de xuño, do Réxime Electoral Xeral (LOREG).
- Notificación da convocatoria do pleno do 11.08.2017.



CONCELLO DE  
CORISTANCO

Avda. Finisterre, 112 - SAN ROQUE – TRABA  
15147 - CORISTANCO - A Coruña  
Tlf. 981 73 30 01 - Fax: 981 73 33 97 - correo@coristanco.gal  
www.coristanco.gal  
R. E. L. nº 01150294

- Fotocopia de escrito do PsdeG PSOE do 23.08.2017 (NRE 3676).
- Informe de secretaría do 25.08.2017.
- Escrito presentado por Abrahan Gerpe Muñiz no rexistro de entrada do Concello o 25.08.2017 (NRE 3698).

A Secretaria da Corporación manifesta que o motivo do pleno é tratar a moción de censura presentada polo grupo do PP e o concelleiro Abrahan Gerpe Muñiz, que se constituiu polo grupo PSOE. Explica que vai dar lectura ao artigo da LOREG, segundo o cal a mesa de idade procederá a comprobar os requisitos, a cal está composta polo membro da corporación de maior idade e polo de menor idade, excluídos nese caso o Alcalde e a persoa que opta á alcaldía:

*“Art. 197.1.d) e e) LOREG:*

*d) El Pleno será presidido por una Mesa de edad, integrada por los concejales de mayor y menor edad de los presentes, excluidos el Alcalde y el candidato a la Alcaldía, actuando como Secretario el que lo sea de la Corporación, quien acreditará tal circunstancia.*

*e) La Mesa se limitará a dar lectura a la moción de censura, constatando para poder seguir con su tramitación que en ese mismo momento se mantienen los requisitos exigidos en los tres párrafos del apartado a), dando la palabra, en su caso, durante un breve tiempo, si estuvieren presentes, al candidato a la Alcaldía, al Alcalde y a los Portavoces de los grupos municipales, y a someter a votación la moción de censura”.*

Que remiten ao apartado a) do mesmo artigo:

*“a) La moción de censura deberá ser propuesta, al menos, por la mayoría absoluta del número legal de miembros de la Corporación y habrá de incluir un candidato a la Alcaldía, pudiendo serlo cualquier Concejal cuya aceptación expresa conste en el escrito de proposición de la moción.*

*En el caso de que alguno de los proponentes de la moción de censura formara o haya formado parte del grupo político municipal al que pertenece el Alcalde cuya censura se propone, la mayoría exigida en el párrafo anterior se verá incrementada en el mismo número de concejales que se encuentren en tales circunstancias.*


*Este mismo supuesto será de aplicación cuando alguno de los concejales proponentes de la moción haya dejado de pertenecer, por cualquier causa, al grupo político municipal al que se adscribió al inicio de su mandato”.*

A continuación, a secretaria da paso a que a mesa dea lectura da moción e comprobe os requisitos.

A concelleira do BNG expresa que está alí porque forma parte da mesa, pero que non é prato do seu gusto. A continuación da lectura á moción, ao escrito do PsdeG, presentado o 23.08.2017 e ao escrito presentado por Abrahan Gerpe Muñiz minutos antes de comezo do pleno.

Acto seguido a mesa procede a comprobar se se dan os requisitos esixidos no art. 197 LOREG.

A secretaria expresa que ha darse o fundamento do voto de cada membro da mesa para facer constar en acta.



Avda. Finisterre, 112 - SAN ROQUE - TRABA  
15147 - CORISTANCO - A Coruña  
Tlf. 981 73 30 01 - Fax: 981 73 33 97 - correo@coristanco.gal  
www.coristanco.gal  
R. E. L. nº 01150294

A concelleira do BNG expresa que non se dan os requisitos, á luz do escrito do PSOE.

O presidente da mesa considera que se dan os requisitos e que o concelleiro Abrahan Gerpe Muñiz non é concelleiro non adscrito porque tivo sempre apoio do PSOE.

A secretaria expresa o sentido da votación de cada un dos membros da mesa e explica que se vai proceder a nova votación sobre si reúne ou non os requisitos a moción presentada e, en caso de empate, resolverá o voto de calidade do presidente da mesa.

Toma a palabra a concelleira Laura Mariño para sinalar que ao seu modo de entender e visto o informe de secretaría e a LOREG e o Pacto antitransfugismo se está no caso dunha persoa tránsfuga (en referencia a Abrahan Gerpe Muñiz) e considera que debe darse por válido o escrito do PSdeG. Recorda que estes días se estivo vendo a posición do PSdeG, áinda que inicialmente era outra e vota en contra de que a moción siga adiante.


E o presidente vota a favor de seguir tramitando a moción de censura porque insiste en que considera que se dan os requisitos, polo que co voto de calidade do mesmo se procede a tratar a moción de censura.

O Sr. Lavandeira toma a palabra para pedir unha cuestión de orde se pode intervir.

O presidente da mesa expresa que non.

Insiste o Sr. Lavandeira e pide que constase en acta que lle gustaría que informase se o escrito do PsdeG é válido ou non, ao igual que o escrito que presentou o concelleiro.

O presidente da mesa dálle a palabra a Abrahan Gerpe Muñiz, quen manifesta que Laura Mariño liu todo e non o informe de secretaría e non sabe a que informe se refire e di que vai facer a súa intervención separada en tres ámbitos. A continuación di que primeiro quería falar do ámbito político e por que se fai a moción de censura en Coristanco. (A súa intervención nunha primeira parte desenroláse amosando fotografías e facendo comentarios). Acto seguido amosa unha foto de depuradoras, do lado do río, e di que ten un sistema de xestión que depura bastante ben, que é infiltración directa ao solo e como o solo ten elementos macrobióticos axúdalle moito. Prosegue ensinando fotos e manifestando que teñen o verquido directo sen pasar por proceso de depuración; verquido directamente ao río para que os peixes coman; as arquetas en Rececende sen tapas, pero exclama para que se lle van a poñer tapas e se cadra algunha persoa caiu; o punto limpo de Coristanco; unha carreteira calqueira, pódese apreciar ben como están; o estado de infraestruturas, a entrada de Lumián e pódese categorizar coma a entrada en Kuwait ou países superdesenvolvidos e recorda que se fala que hai remanente de tesourería; a área lúdica de Agualada, os rapaces pódense perder entre as herbas; di que así están as instalacións en Coristanco e se presume de gobernar e quitar débeda en tempo record; carreteiras, todas en zonas onde pasa moita xente; infraestrutura viaria, a limpeza está da época do PP; un burato onde cabe un trailer; o punto limpo que tanto criticaba TeGa, que dentro está limpo e por fóra como amosa na foto; en Valenza, no local social hai grandes árbores e faltan unhas palmeiras para que pareza Cuba, as instalacións e céspede ben coidado e despois se presume dun remanente de tesourería record; a subida da morte, onde van entrenar os de redbull para a baixada dos coches, e se se vai alí co coche un pouco rápido se deixa a amortiguación; di que podería seguir así, pero non quixo fazer mais fotos do Concello porque realmente xa case lle daba mágoa. Expresa que quería fazer unha reflexión a título persoal e contestarlle ás preguntas que emite TeGa nun comunicado que lle chegou á súa casa, e que lle agradece que llo remitira, porque senón tiña que enterarse polos veciños. Di que ao principio pensaba denunciar a aqueles que verquiron inxurias e calumnias contra a súa persoa, e despois



Avda. Finisterre, 112 - SAN ROQUE - TRABA

15147 - CORISTANCO - A Coruña

Tlf. 981 73 30 01 - Fax: 981 73 33 97 - correo@coristanco.gal

www.coristanco.gal

R. E. L. nº 01150294

pensouno friamente e reconóce que os comprende, xa que son persoas que non están acostumadas a que haxa alguén en política que o faga por vocación e preocupación polo pobo, e están acostumadas a ser roubadas continuamente por un e outro partido e dilles que iso non é gobernar a Xunta ou o Estado, senón que é o pobo onde convive, e día a día ve os problemas que ten a xente en primeira persoa, son veciños, amigos e familiares e por iso lle daba igual renunciar ao soldo do Concello con tal de arranxar e subsanar as contas do mesmo e entende que para esa xente sexa difícil comprender todo iso que ía facer gratis. Continúa dicindo que podería seguir co seu soldo de concelleiro vivindo en Cuba e recibindo o soldo sin facer nada e ningún llo podería quitar, porque o marca a lei. Expresa que vai responder ás preguntas que TeGa se cuestiona, respecto á parálise e desgobierno que TeGa di que é falso, replica que cre que non se quitou ningunha obra, que fai catro anos que a xente non recibe licenzas de obras maiores; respecto á cifra de 4.200.000 € de remanente de tesourería replica que se deixa de pagar aos funcionarios ten 6.000.000 € de remanente e falar de remanente cando hai empresarios que están sen cobrar, lle parece facer demagogoxia política e, sobre todo, cando se convocou o 13.06.2017 un pleno extraordinario para pagarlle teóricamente a un acreedor que lle embargaban os bens e TeGa visualizou normal saltar a orde das facturas e pagar esas que eran a terceiros, segundo o informe de intervención. No referido ao autoritarismo, soberbia e desprezo do alcalde, di que na moción había que escribir algo e sempre se dixo que o público podería falar e se contestarían as preguntas, e cre que hai mais de 12 meses que o público non pode falar, o que é autoritarismo e soberbia tamén porque goberna o alcalde sen necesidade de concelleiros; respecto á perda de mais de 1.000.000 € en subvencións, recorda que foi un dato que quitou o PSOE nun comunicado de prensa, e supón que dende a Deputación estarán enterados de os que perde, e él recorda unhas que se perderon, que son arredor de 90.000 € e TeGa no escrito cifra en 70.000 € e di ademais que o PP perdeu mais e el cre que non se trata de quen perdeu mais, porque el quere ser limpo. En relación ás manifestacións de que se puxeron por diante as siglas dos partidos por enriba dos intereses municipais, di que cre que queda claro como está o Concello actualmente. Recalca que o escrito non aparece asinado por ningún porque entende que terían problemas legais se fan esas afirmacións de forma persoal. Destaca respecto ao rexiteitamento da moción pola directiva do PSOE, que a el non lle acreditaron que sería expulsado do partido por levar a cabo a moción de censura e a militancia socialista de Coristanco decidiu na última reunión por cinco votos fronte a cero plantexar a moción de censura. Á pregunta de quen representa realmente, di que representa ao pobo, que é polo que lle elixiron, para mellorar Coristanco. Aclara que a listaxe menos votada de Coristanco non foi a del, senón a de Compromiso por Galicia e que non vai gobernar co apoio de 6 concelleiros, senón de 13, que conta con eles todos e lles tende a man para que colaboren. No referido á corrupción di que efectivamente é un abandeirado da corrupción e por iso o luns, se sae Alcalde, vai levar á Fiscalía o pleno do 13.06.2017. Respecto ao respaldo dunha persoa que está imputada, recorda e exhibe o que denomina pacto de governo asinado polo tripartito, do que di que non se cumpliu ningún dos obxectivos e le "cando un concelleiro ou alcalde do grupo de governo figure como imputado haberá de presentar inmediatamente a súa dimisión" e recorda que Amancio, aos tres meses de estar o tripartito, estivo imputado e non presentou a súa dimisión. En canto aos intentos de soborno, di que que el saiba de TeGa denunciou unha concelleira, e supón que os outros non estarían sobornados, senón o denunciarían, e tamén pode ser que el comprase a todo o PP, ou que o PP comprase a toda a militancia socialista de Coristanco ou a toda a provincial e descoñece se tiveron éxito. Aclara que vai vivir senadicación do que sempre viviu, e do aire tamén, porque respira, e a conta de outras compensacións, porque traballa e ten empresas, polo que ten outras compensacións. Di que o interese que hai detrás das manobras é o do pobo, que se ve claro e o mesmo se beneficia do cambio de governo. Conclúe a súa intervención dicindo que eso último era referido ao ámbito político.

A concelleira do BNG pide a palabra para dicir que sabe que o ambiente está moi caldeado e pide á xente que está doutro lado, que xa que a xente que está no lado dela non deu moito exemplo neses días, que o dean eles.



CONCELLO DE  
CORISTANCO

Avda. Finisterre, 112 - SAN ROQUE - TRABA  
15147 - CORISTANCO - A Coruña  
Tlf. 981 73 30 01 - Fax: 981 73 33 97 - correo@coristanco.gal  
www.coristanco.gal  
R. E. L. nº 01150294

O presidente da mesa dálle a palabra ao Sr. Alcalde, quen manifesta que van lembrar algunas cousas. Pregúntalle ao Sr. Gerpe se lembra que o 2 de xuño de 2016 presentou a renuncia para seguir formando parte do equipo de goberno, o que provocou esa ruptura do tripartito e dille que inicialmente non alegara todos esos problemas dos que lle fala. Recórdalle que era concelleiro de obras, posiblemente a concellería que en todos os concellos mais se demanda para gobernar e que ten dito, alabándose no pleno, que non dera unha soa licenza urbanística sendo precisamente a súa función, nese caso poder promovelo. Manifesta que esa renuncia non tivera ningún tipo de explicación e saíra na prensa que ante a situación grave na que estaba o Concello doaba os 108.000 € e loxicamente non doou nada porque deixou de traballar e polo tanto o que non traballa non cobra.

Interrompe o Sr. Gerpe e o Sr. Lavandeira pídelle ao Sr. Presidente que se lle deixe continuar, e ao Sr. Gerpe que respecte a súa intervención, o mesmo que el fixo.

Continúa o Sr. Alcalde dicindo que durante esa época se lle encheu a boca de auga dicindo que doaba semellante cantidade de salario en aras da recuperación económica do Concello. Di que a doazón faise cando un traballa e di que coma ten mais empresas entende que aos seus empregados non se lles ocorrera dicir cando marchan que lles doan o soldo á súa empresa. Recorda que en decembro de 2016 o Sr. Gerpe xa empeza a votar a favor dunha serie de propostas convxuntas que presentaba o PP, aínda que tivesen informes en contra de intervención, e xa en agosto do ano en curso presenta unha moción de censura e primeiro vai á alcaldía a pedirlle que renuncie á alcaldía e así non presenta a moción, dalgunha maneira chantaxeando a situación. E aclara que o que lle di en base a que o seu partido estaba en contra e despois xa se viu na prensa esa especie de guerra que tivo despois co seu partido, ao que representaba e entende que xa non o representa, polo que ten que ser declarado tránsfuga.

O Sr. Gerpe interrompe para preguntar por que, en que se basea.

  
O Sr. Alcalde pide que conste en acta que en vista do escrito presentado no rexistro do Concello, que foi aceptado, ten número de rexistro, e os problemas que teña o Sr. Gerpe co PSOE son entre eles, pero o PSOE presentou un escrito onde o declara tránsfuga e iso é o que vale á hora de seguir para adiante en ese senso de votar unha moción de censura. Entende que deberían de retomar esa situación. Expresa que ve que se vai a cometer un gran acto de prevaricación se se segue para adiante, ao cal o seu grupo tomará as medidas oportunas. Di que o escrito de TeGa se difundiu e non expresamente á casa do Sr. Gerpe, e lle alegra que sexan tan eficaces ao constatarse que o recibiu. Di que o escrito da moción, que foi feito polo PP, e do que o Sr. Gerpe se limitou a rexistralo no Concello, fala dunha situación extraordinaria no Concello e repite que o Sr. Gerpe estivo o 50% do tempo formando parte dese goberno e as fotos que amosou ao principio o propio Gerpe eran da súa competencia, as obras e reparacións, pero quería evadir a sinatura de documentos e facturas, o que é curioso en vistas do papel de responsabilidade que quiere agora, precisamente polo medo que debía ter e pola responsabilidade que esixían esos documentos. Di que é certo que é falso, porque non é que el diga que hai aforro ou remanente, senón que o importante é que vai a acceder a unha alcaldía que ten as contas saneadas, é dicir, ten o diñeiro suficiente na caixa para poder pagar a todos os proveedores e aos bancos.

O Sr. Gerpe pregunta por que non paga.

Continúa a súa intervención o Sr. Alcalde, dicindo que unha vez que se fai a rendición de contas é cando se fai o pleno para realizar a modificación de crédito para poder pagar. Recórdalle que cando recibiron o Concello había unhas débedas que superaban os 3.000.000 €, e nese momento recibe



Avda. Finisterre, 112 - SAN ROQUE - TRABA

15147 - CORISTANCO - A Coruña

Tlf. 981 73 30 01 - Fax: 981 73 33 97 - correo@coristanco.gal

www.coristanco.gal

R. E. L. nº 01150294

un concello totalmente saneado, independentemente de que se teñan que facer ou non eses pagos . Tamén lle di ao Sr. Gerpe que esas obras pendentes son obras que estaban pendentes do goberno anterior ao igual que a débeda, e agora se vai xuntar con el. Respecto ás licenzas dille que se hai catro anos que non se dan, tres anos estaba o PP e o outro ano estaba el de concelleiro de obras, e o último ano estivo TeGa, polo que lle pida que faga un pouco de balance e que teña memoria. Destaca que o mais importante é que eses aforros se realizaron sen subir os impostos.

Toma a palabra o Sr. Gerpe para sinalar que teñen os impostos mais altos da Comarca e non se poden subir.

O Sr. Lavandeira continúa dicindo que eso si que o fixo o PP, co que se vai a xuntar o Sr. Gerpe. Di que conseguiron ese aforro, e o plan económico do PP falaba de subir os ingresos vía impostos. Neste intre o Sr. Gerpe pide á secretaria o informe xurídico que obra no expediente. O Sr. Lavandeira lle pregunta ao Sr. Gerpe a cantas xuntanzas de voceiros asistiu e que aportou, porque di que esa traxectoria está dicindo cal vai ser o seu modelo de goberno. Respecto aos intereses do partido, pregúntalle que tipo de representante fai as cousas ás espaldas do seu partido, como o PP e el, que parece ser que ditos partidos enteráronse pola prensa da moción. Di que ao Sr. Gerpe non lle queda a quien criticar dentro do seu partido. No tocante á perda de 1.000.000 € en subvencións o di o Sr. Gerpe porque perderon 80 ou 90.000 e o PP perdeu no ano 2013, 178.588,12 € en subvención e no 2014, 233.973,13 €, eso sen contar as subvencións da Xunta, porque aí habería que sumarlle outros 60.000 € de AGADER, que se tiveron que devolver. Di que espera que esa situación non impida que o PSOE conceda o prometido na Deputación, que son subvencións que están pendentes de recuperar.

O Presidente da mesa de idade lle pide que vaia rematando.

O Sr. Lavandeira manifesta que o programa de goberno do Sr. Gerpe vai ser prestado aos intereses do PP, xa que son os verdadeiros artífices desa moción, e no fondo vai ser cómplice nas mans deles para acadar o goberno municipal. Pregunta se eses ofrecementos que saían en prensa cando se formou o tripartito seguen en pé.

O Sr.. Gerpe pide que conste en acta ese dano á súa honorabilidade.

  
O Sr. Lavandeira replícalle que debe denunciar mais ben aos medios de comunicación, xa que é o que aparece neses medios de comunicación. Lle pregunta ao Sr. Gerpe se esa moción ten algo que ver con eses intentos de soborno a tres concelleiros de TeGa e cales son os intereses reais que hai detrás das manobras. A quien realmente vai a beneficiar ese cambio, que é o que realmente se teñen que preguntar todos. Aclara respecto á súa imputación que non houbo tal imputación.

O Sr. Gerpe dille que entón lle mentiu, porque llo dixo el.

Continúa o Sr. Lavandeira sinalando que nin sequera se levou a cabo dito procedemento, foi sobreseído xa dende o principio e lle recomenda que lle asesoren mellor.

O voceiro do PP manifesta que o seu apoio á moción ven determinado porque consideran que se está nunha situación de ingobernabilidade, incapaz de levar a cabo políticas en defensa do municipio e dos seus veciños e consideran que TeGa está a empregar unha política de mirar sempre o retrovisor, sen expectativas de futuro. Recorda que o Sr. Alcalde cando acadou a alcaldía sabía perfectamente ao que se enfrentaba e ao longo dese tempo se pode cualificar a actuación do goberno de inactividade total, non existindo ningún proxecto novo e hai posibilidades de que se perdan proxectos importantes para Coristanco e os seus veciños. Di que se fala de remanentes e



CONCELLO DE  
CORISTANCO

Avda. Finisterre, 112 - SAN ROQUE - TRABA  
15147 - CORISTANCO - A Coruña  
Tlf. 981 73 30 01 - Fax: 981 73 33 97 - correo@coristanco.gal  
www.coristanco.gal  
R. E. L. nº 01150294

resulta que o Concello non remite documentación a Facenda, non ten aprobada a Conta Xeral do 2016 e vai pasar o mesmo que coa do 2015 e non hai, nin se espera, orzamento para o 2017, e non sabe porque fala dun remanente histórico, cando os proveedores non cobran, e non só os do mandato anterior. Expresa que o PP apoia un cambio de situación antepoñendo todo aos intereses dos veciños, antes que os do propio partido, e eles, coma concelleiros, teñen uns compromisos cos seus votantes e cos veciños de Coristanco, incluso cos que non os votaron, que levan tempo facéndolles demandas dun cambio e de que exista un goberno para os veciños, cuestión pola que apoian un cambio que consideran xusto para os veciños.

A continuación, intervén a voceira de Tega, que di que lle chama a atención que se chegue a ese punto, porque á vista do escrito presentado pola agrupación provincial do PSOE e tendo en conta o que di o art. 197 da LOREG, ao que da lectura, o Sr. Gerpe insiste en seguir enrocado en que é concelleiro do PSOE. Recorda que se levan uns días en que a agrupación provincial do PSOE, a xestora, e, incluso a agrupación do PSOE, din que non é concelleiro do PSOE. Pide que conste en acta que se está a infrinxir o art. 197.1.e) da LOREG e que, polo tanto, vanse a adoptar medidas legais, porque poderíase estar ante un presunto delito de prevaricación e fai un chamamento ao presidente da mesa para que teña en conta esa circunstancias e as graves consecuencias a que iso pode dar lugar. Di que lle chama a atención, ou non, a moción presentada, xa que todos saben que é algo que ven de atrás, pero o que si lle sorprende é que se cambian as tornas, xa que o lóxico sería o concelleiro do PSOE o que apoia ao PP. E recorda o pacto do tripartito, que facía referencia a temas de imputacións e insiste no que dixo o Sr. Alcalde, aclarando que en ningún momento foi declarado, nin investigado, nin imputado nin nada. E se presentou unha querela contra él, que nin tan sequera foi admitida a trámite e se sobreseiu, polo que lle di ao Sr. Gerpe, que falta á verdade, cando di que estivo imputado. Recorda que o Sr. Gerpe quería poñer unha placa na praza contra a corrupción e nese momento quere acceder ao goberno co apoio dun concelleiro que, segundo dín os medios, continúa imputado por delitos contra a administración pública, como son un presunto delito de prevaricación, tráfico de influencias, falsidade documental e demás, e aí non valora a súa bandeira contra a corrupción, todo lle vale para chegar á alcaldía. Pregunta que intereses hai, se son os dos veciños, xa que a gran mayoría dos veciños os días pasados posicionáronse a que hai algo escuro a raíz de todo iso. Insiste no enrocamento do concelleiro Abrahan en seguir, a pesar das directrices do seu partido, co que acudiu ás eleccións e quere esperar á votación para ver o sentido do voto do PP, xa que polo que di a prensa os seus órganos do partido eles son conscientes de que a moción é ilegal e non se podería levar a cabo. Di que non vai insistir, porque xa falou o seu compaño Amancio, no traballo do grupo de goberno neses dous anos. Recorda que tanto a concelleira do BNG como o Sr. Gerpe sabían perfectamente a situación que se atoparon cando entraron, de caos total, e el tiña unha das concellerías mais importantes, a de obras, urbanismo, e non deu durante ese tempo ningunha obra e a situación non era tan fácil para chegar e dar licenzas. Manifesta que todo o mundo sabe a situación en que estaba o Concello de Coristanco, e a débeda coa que se atoparon e o que sabe tamén todo o mundo é o remanente de tesourería que resultou na Conta Xeral e existen uns procedementos que hai que cumplir e son conscientes da situación de intervención nos últimos anos, por onde pasaron mais de sete interventores. Aclara que si non se fan as cousas é porque non se pode, pero non porque non haxa vontade. Di que a vontade se tivo neses dez anos que levan traballando en TeGa, que se asumiun un compromiso e unha responsabilidade cos veciños no momento en que chegaron ao goberno e que se seguirá tendo, ben no grupo de goberno ou na oposición. Exclama que está claro que se saen sairán coa cabeza alta e as mans ben limpas.

O Presidente da mesa pídelle que vaia rematando.

A Sra. Tasende di que está rematando, recorda que se falou de intentos de soborno, e ela denunciouno en fiscalía, e di que os membros que estaban no equipo de goberno que escoitaron



CONCELLO DE  
CORISTANCO

Avda. Finisterre, 112 - SAN ROQUE - TRABA  
15147 - CORISTANCO - A Coruña  
Tlf. 981 73 30 01 - Fax: 981 73 33 97 - correo@coristanco.gal  
www.coristanco.gal  
R. E. L. nº 01150294

unha gravación dunha compañeira, na que se propuña o mesmo que a ela e estaba presente o Sr. Gerpe.

O Sr. Gerpe pide que consten en acta esas afirmacións.

Afirma a Sra. Tasende que consten en acta, e manifesta que espera que haxa coherencia, sentido e se traballe polo ben dos veciños e non por intereses que non se correspondan a eso, e espera que os veciños valoren o traballo que se fixo ata o momento e se pregunten a que corresponde ese enrocamento e esa ansia de chegar á alcaldía, porque resulta fácil cando as contas están saneadas, pero recorda que cando había que dar o caio se marchaba escopeteado dicindo que había que doar o soldo. Amosa unha fotocopia dunha nota de prensa na que comunica o Sr. Gerpe que se vai pola situación crítica do Concello e que doa o seu soldo. Recorda que, xa que está presente a compañeira do BNG, que cando se negociaba o tripartido se expuxo o tema dos soldos e o Sr. Gerpe dicía que el quería cobrar un euro menos que o Alcalde, e na actualidade o venda polo ben dos veciños, renunciando a calquera tipo de remuneración, e gobernando el só. Lle recrimina que se enterou pola prensa da moción e con ela non se dignou a falar en ningún momento, coma voceira de TeGa. Pregunta onde están as propostas de Abrahan Gerpe ata o momento, non presentou ningunha moción, pero si presentou a única moción presentada polo PP, aprobado co informe en contra intervención.


O Presidente da mesa lle insiste en que remate.

A Sra. Tasende di que remata e recalca que a débeda hai que pagala, non é que TeGa quera enrocarse e pagar a débeda porque lle da a gaña, senón que a lei lles obriga a pagar a débeda. Pide que se fale con propiedade e os que están alí deberían saber do que falan e non contarlle mentiras aos veciños e non escudarse en que se fai a moción polo ben dos veciños. Pídelle ao Sr. Presidente da mesa que recapacite porque pode estar ante un posible delito de prevaricación e segue mantendo que a moción non se debe á defensa dos intereses dos veciños de Coristanco, e di que o tempo dirá se é así e os veciños valorarán o traballo que ata o día fixo o seu grupo.

Intervén a concelleira do BNG, que fai a seguinte intervención:

  
"Para q as cousas queden claras desde xa, e por se quedara algúnhida dúbida, no BNG imos seguir a liña q mantivemos sempre, e non imos apoiar esta moción, entre outras moitas razóns, porque no BNG non imos por aí arrebatar a alcaldías en plan golpista nin da man do Partido Popular, cousa q non pode dicir TEGA, que durante esta lexislatura, apoiou dúas mociones de censura para que o PP volverá a alcaldía de Santa Comba e Pontecesures, neste último caso sacándolle a alcaldía ao BNG.

Claro q se falamos de mociones de censura, aí quien realmente gana a batalla é o PP, que leva xa varias mociones promovidas desde xuño do 2015: as xa sinaladas de Santa Comba e Pontecesures e tamén en Oia, Boimorto, Sobrado ou Noia. Pero, guste más ou menos, o sistema democrático e a lei permiten q haxa mociones de censura e cambios de alcalde. Quizais, nalgúns casos, como é este, o peor non sexa a moción, senón todo o circo q se montou arredor, e onde ningún dos partidos involucrados (PP, o PSOE, por supostísimo, nin TEGA) foron o suficientemente serios e responsables para frear o espectáculo no que se acabou convertendo todo isto. Aos tres, por diferentes razón, fóiselle a situación das mans, e todo por unha ansia de poder desmedida e nalgún caso creo que ata enfermiza.



Avda. Finisterre, 112 - SAN ROQUE - TRABA

15147 - CORISTANCO - A Coruña

Tlf. 981 73 30 01 - Fax: 981 73 33 97 - correo@coristanco.gal

www.coristanco.gal

R. E. L. nº 01150294

Temos a un PSOE tirándose os trastos á cabeza entre eles, con problemas que chegan a este salón de plenos, e un PP intentando esconderse e non dando a cara, como se isto non fora con eles, cando tamén eles asinaron e promoveron unha moción de censura que, na práctica, lles devolvería o poder.


E por parte de Terra Galega, ou de algunha xente de Terra Galega, tal e como era esperable, a súa habitual estratexia de verdades a medias e vitivismo foi a máis, pero, o q me parece máis grave, é que tamén foron a máis os seus intentos de desacreditar persoalmente a determinada xente, de usar as redes sociais e outras vías para caldear o ambiente, e incluso indo a temas persoais que non teñen absolutamente nada que ver no debate político. Por unha cuestión de saúde social e de responsabilidade, hai límites que non se deben pasar e antes de abrir a boca, ou escribir en determinados lugares, hai quien debería contar ata 10 e pensar no lugar que ocupa.

De todo este bochornoso espectáculo vivido desde o pasado 8 de agosto habería moitas cuestiós a analizar, pero eu voume quedar con catro conclusiós que se poden sacar e sobre as que se debería reflexionar:

**1.** Partido Popular e Partido Socialista demostran que todo vale para volver ao poder, poñendo na práctica esa frase de Grouxo Marx “estes son os meus principios, se non lle gustan, teño outros”. O actual partido socialista de Pedro Sánchez, azote da corrupción e do tan famoso “no es no” a Rajoy, resulta que en Coristanco non ten problemas en coller unha alcaldía co voto dunha persoa do Partido Popular que a día de hoxe segue investigada por malversación, prevaricación tráfico de influencias. E supón que a estas alturas da película, e coñecendo os protagonistas, ninguén crería iso de que seis persoas do Partido Popular ían apoiar e deixar gobernar, así, sen máis, a un único concelleiro do Partido Socialista, a forza menos votada nas pasadas eleccións. A realidade é clara: o PP necesitaba unha persoa máis para que a moción de censura fose adiante e recuperar o poder, e non parou ata conseguilo, de mans dun PSOE que creu que igual non apoiando directamente un alcalde do PP e poñendo no sitio a un dos seus, a cousa se ía notar menos, como se a xente non soubese quen realmente está detrás. O que é obvio é que o que está en xogo aquí non é simplemente a alcaldía de Coristanco, e que tanto por parte duns como doutros, hai outro tipo de movementos e de estratexias que se nos escapan.

**2.** Ten gracia que o Partido Popular de Coristanco, da man do Partido Socialista, se erixa agora como o salvador da situación actual de parálise, cando foi o causante, de que este Concello, fora acumulando unha débeda que acadou cifras desorbitantes en varias ocasións. A memoria ás veces parece que é moi fráxil, pero hai que recordar que no ano 2012, a débeda deste concello con proveedores chegou ao 1,7 millóns de euros e, en total, contando a débeda bancaria, rondou os 3 millóns de euros e que houbo que recorrer a un crédito ICO para pagarlle aos proveedores e que trouxo consigo o famoso plan de axuste áinda en vixencia. Pero é que en xuño do 2015, outra vez, a débeda acumulada a proveedores volvía ser de outros 1,7 millóns de euros, dos cales 1millón fora gastado en menos de seis meses xusto antes das eleccións. Polo tanto, ese Partido Popular demostrou sobradamente que non está capacitado para levar este concello, que a súa xestión foi absolutamente nefasta para a maioría dos veciños e veciñas deste concello. Para a maioría, porque outros tiñan as súas economías ben saneadas.

**3.** A situación na que quedou este concello era nefasta despois de 24 anos de governo do PP, desde o BNG dixémolo mil veces, e seguímolo dicindo. Pero tamén dicimos q a falta de xestión económica e organizativa do actual governo é moi grave. Non se pode estar máis de dous anos coa mesma cantinela de que toda a culpa é da herdanza recibida, áinda sendo certo, non se pode ir pola vida con verdades a medias, defender ata hai nada q o concello estaba fatal económicoamente, e uns días antes da moción de censura, falar de débeda cero, cando a gran maioría dos proveedores seguen sen cobrar, os de antes e os de agora. Evidentemente, se hai ingresos novos pero nin se paga o que



CONCELLO DE  
CORISTANCO

Avda. Finisterre, 112 - SAN ROQUE - TRABA  
15147 - CORISTANCO - A Coruña  
Tlf. 981 73 30 01 - Fax: 981 73 33 97 - correo@coristanco.gal  
www.coristanco.gal  
R. E. L. nº 01150294

se debe, nin se fai nada... claro que vai haber cartos nas contas, preocuparíame se non os houbese. Pero iso, señor alcalde, non é ter débeda cero, iso é non saber xestionar os recursos e contar o que interesa. E si, seguramente antes de q acabe a lexislatura a débeda deste concello quedará praticamente saldada, ou debería, pero non grazas a unha contención do gasto nin a unha boa xestión, senón grazas á carga impositiva deste concello e aos ingresos q veñen e virán, sobre todo, da Deputación.

Non se pode tampouco pasar meses e meses culpando a todo o mundo dos males deste concello e non asumir absolutamente ningunha responsabilidade. A culpa sempre é ou da oposición, ou da interventora, ou da secretaria, ou do aparellador, dos traballadores que fan boicot, ou, por suposto, das persoas q saíron do goberno. Igual o q hai é q darlle á volta é pensar: cando o descontento dentro do concello é xeneralizado e os servizos están desorganizados, cando pasaron por aquí sete interventoras e catro aparelladores, cando o malestar veciñal cada día vai a máis, e sobre todo, cando se chega a unha situación na q tres persoas de diferentes partidos saen dun goberno de sete, igual a culpa non é de quen sae , senón de quen queda dentro e se nega a aceptar a realidade e prefire vivir nun mundo de vitimismo mentres isto vai á deriva. Quizais teña algo q ver a falta de diálogo do alcalde, actitudes q nada teñen que ver con esa transparencia da que tanto falou pero tan pouco aplicou, unha clara e manifesta incapacidade para solucionar problemas e levar proxectos adiante,. Por iso, señor alcalde, está quedando vostede cada vez más solo, por iso o BNG se vi una obriga de deixar o goberno no seu día e escollemos seguir a nosa liña de seriedade e responsabilidade desde a oposición, porque con vostede era imposible.

4. E, última conclusión, por incapacidade, por falta de transparencia e diálogo, pola situación de caos na q está sumido este concello, polas súas actitudes que nos recordan tempos pasados, polas súas medias verdades, Amancio Lavandeira non é o alcalde q este Concello necesita para saír da situación na q o deixou o PP. Pero, por suposto, un goberno presidido pola forza menos votada desta corporación e dirixido por un PP q xa demostrou q é nefasto para este concello, tampouco é, nin moito menos, a solución. Que o goberno de TEGA estea sendo un desastre non pode facernos perder a perspectiva de como foi o goberno anterior e o q supuxo para este concello, un goberno q tamén perdía subvencións, q tampouco se caracterizaba por tender pontes coa oposición nin pola súa eficiente xestión. Nin uns nin outros son o q Coristanco necesita. Nós, desde o BNG, con unha soa concelleira, creo que demostramos, tanto na pasada lexislatura, como no pouco tempo que estivemos no goberno, como tamén agora novamente na oposición e no q foi todo este lamentable espectáculo, q si hai outra forma de facer as cousas, outra seriedade e responsabilidade, e q para nós, estar nun goberno non o é todo. E, chegados a este punto, cremos que ten que ser o pobo quen poña ou quite alcaldes".

A continuación o Presidente da mesa decide pasar á votación, obténdose o seguinte resultado:

- A favor: 7:

D. Abrahán Gerpe Muñiz  
D. Antonio Pensado Plágaro  
D. Juan García Velo  
Dª María Ángeles Gema Eiroa Villar  
Dª Clarisa Couto Castro  
D. Luis Souto Gómez  
D. Emilio Fondo Novo

- En contra: 5:



Avda. Finisterre, 112 - SAN ROQUE – TRABA

15147 - CORISTANCO - A Coruña

Tlf. 981 73 30 01 - Fax: 981 73 33 97 - correo@coristanco.gal

www.coristanco.gal

R. E. L. nº 01150294

D. Amancio Lavandeira Suárez

Dª Laura Tasende Cancela

D. Manuel Andrés Díaz Abeledo

Dª Mª Dolores Taibo Lavandeira

Dª Laura Mariño Taibo

- Absencions: ningunha.

A continuación, obtendo 7 votos a favor, maioria absoluta do número legal de membros da Corporación, o Presidente da Mesa de idade proclama Alcalde ao D. Abrahan Gerpe Muñiz.

E non sendo máis os asuntos a tratar, levántase a sesión cando son as 13 horas e 30 minutos do día 25 de agosto de 2017, do que como Secretaria dou fe e certifico.



Avda. Finisterre, 112 - SAN ROQUE – TRABA  
15147 - CORISTANCO - A Coruña  
Tlf. 981 73 30 01 - Fax: 981 73 33 97 - correo@coristanco.gal  
[www.coristanco.gal](http://www.coristanco.gal)  
R. E. L. nº 01150294

## DILIXENCIA

Que se estende para facer constar que tralo sometemento da acta do 25.08.2017 ao seguinte pleno ordinario da Corporación, procediuse a corrixir o erro existente nos cargos dos asistentes, consistente en que en lugar de aparecer o Alcalde Amancio Lavandeira Suárez como presidente da sesión, debe constar da seguinte maneira:

### SRES/RAS ASISTENTES

#### MESA DE IDADE

D. Luis Souto Gómez (Presidente)  
Dª Laura Mariño Taibo

#### CONCELLEIROS

D. Amancio Lavandeira Suárez  
D. Abrahán Gerpe Muñiz  
Dª Laura Tasende Cancela  
D. Manuel Andrés Díaz Abeledo  
Dª Mª Dolores Taibo Lavandeira  
D. Antonio Pensado Plágaro  
D. Juan García Velo  
Dª María Ángeles Gema Eiroa Villar  
Dª Clarisa Couto Castro  
D. Emilio Fondo Novo

#### NON ASISTE

Da. Verónica Facal Rodríguez (con excusa)

#### SECRETARIA

Dª. Mª del Carmen Seoane Bouzas

Coristanco, 28.09.2017.

A secretaria,

Mª del Carmen Seoane Bouzas